



## Universitätsbibliothek Paderborn

**Scintillæ Ignatianæ, Sive Sancti Ignatii De Loyola,  
Societatis Jesu Fundatoris Apophthegmata Sacra**

**Hevenesi, Gábor**

**Coloniæ, 1715**

**VD18 10988289**

26. Julii. Mortificationi danda quidem utriusque est opera, eo tamen discrimine, ut interiori præcipue, perpetuo, atque ab omnibus; exteriori, quantum & rerum, & personæ & temporis conditio exigit. S. ...

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

illud imminutio charitatis , istud tempo-  
ris, si non etiam æris jactura creat.

## 26. Julii.

*Mortificationi danda quidem utriusque est  
opera, eo tamen discrimine, ut interiori  
principiæ, perpetuò, atque ab omnibus; ex-  
teriori, quantum ē rerum, ē personæ ē  
temporis conditio exigit. S. Ignat. apud  
Bart. l. 3. f. 218.*

**A**ffectuum impotentia omnium est malorum, quæ hactenus orbis sensit, fundamentum; quorum proinde, per mortificationem institutio non tantum privatum bonum est, sed publicum.

Unicus malè domiti cordis impetus in quæ non mala effunditur? una cupido imperandi, quantis orbem bellis affecit! nec minus in microcosmo periculum.

Qui vult pacem, legem dicat affectibus, ultra quam progredi non sinantur. Nemo novit, quantum afferant adjumenti, cùm in fræno sunt affectus, nisi expertus, quæ sint pestes, si effrænes maneant.

Cor nostrum aula Dei; tot facimus ferarum caulam, quot ineruditos sinu affectus sovemus. Belluini sunt, & his peiores; quia

quia jugum rationis, quo belluae carent,  
excutiunt.

27. Julii.

*Quod in principio facile aboleri potuisse  
diuturnitate temporis, & operis iteratio-  
ne redditur irremediabile. S. Ignat. apud  
eund.*

**Q**uam levi manu, in tuos nutus flexi-  
lem, duxisses arbusculam, ubi creve-  
rit, vix securibus, & multis ictibus ad de-  
missionem illa flectetur; ita grandescunt  
vitia, & à tempore robur accipiunt.

Noxia celerius agunt radices, quas ubi  
fixerint, omnem olitoris industriad lu-  
dunt; quâ cœperunt, non quâ deberent, via  
diffusæ melioribus umbram faciunt.

Ubi mala invaluerunt, sera est omnis  
diligentia: quæ digito suppressi scintilla  
potuisset, neglecta vires accipit, & remedii  
omnis impatiens latè dominatur, noxia  
hæc negligentia.

Maxima negotia confecit feliciter cele-  
ritas, à mora quid boni expectes? differe  
nolentis est. Serò medicina paratur vene-  
no postquam venas omnes infecit; semper  
crastino magis propitius habendus est ho-  
diernus dies.

28. Ju-